



Daim Ntawv Qhia Tawm
Txhua Xyoo 2024

Cov Ntsiab Lus

Qhia Txog.	1
Yam Tau Ua Tiav	3
MNSC Txoj Kev Ua Hauj Lwm: Kev Qhia Dav	4
MNSC Txoj Kev Ua Hauj Lwm: Kev Sau Dab Neeg.	5
Leej Twg Tau Qhia Lawv Zaj Dab Neeg Nrog Peb?.	6
Cov Ntaub Ntawv Txog Tib Neeg (Demographics)	7
MNSC Txoj Kev Ua Hauj Lwm: ev Sib Txheeb thiab Txhais Zaj Dab Neeg.	9
MNSC Txoj Kev Ua Hauj Lwm: K Kev Rov Xav thiab Hloov Kho	10
Cov Koom Tes Hauv Zej Zog.	11
Cov Koom Tes / Kev Koom Tes Nrog Cov Chaw Hauj Lwm Hauv Xeev.	13
Kev Cuam Tshuam.	14
Yam Uas Yuav Los Tom Ntej.	15

Qhia Txog

MN StoryCollective (MNSC) yog ib txoj kev los sib qhia txog tej kev paub dhau los, tsim tswv yim rau kev hloov pauv, thiab txhawb nqa cov zej zog thoob plaws hauv lub xeev Minnesota. Peb ua li no los ntawm kev sau thiab khaws tej zaj dab neeg thiab lwm yam ntaub ntawv los ntawm cov neeg nyob hauv Minnesota, koom tes nrog cov neeg tsim thiab txiav txim txog cai (policymakers) thiab cov zej zog los txheeb xyuas thiab txhais cov ntsiab lus ntawm cov dab neeg no, thiab txuas cov neeg txiav txim nrog cov tswv yim los tsim kev hloov pauv.

MNSC tau pib tsim nyob rau xyoo 2023 uas lub tswv yim yog muaj los ntawm txoj hauj lwm hu ua “Our Tomorrows” ntawm Center for Public Partnerships and Research ntawm University of Kansas. MNSC coj cov zej zog thiab cov koom haum hauv xeev los ua ke kom kawm thiab txheeb xyuas tau cov ntaub ntawv qualitative data thiab cov ntaub ntawv quantitative data, thiab raws li qhov lawv kawm tau ntawd, tsa cov tswv yim los txhawb kev noj qab nyob zoo ntawm zej zog. Qhov no yog ib txoj kev sib txuas lus feedback loop uas muaj txiaj ntsig thiab muaj kev nkag siab tob, nrog rau kev paub tiag tiag ntawm cov pej xeeb uas nyob noj hauv qhov kev paub ntawd. Lub Xeev Minnesota xav txo kom cov tswv cuab hauv zej zog tsis tas yuav pheej teb cov lus nug ntau zaus, thiab tsim ib txoj hauv kev los qhia rov qab rau zej zog txog yam tau hnov los ntawm cov dab neeg thiab cov rooj sib tham sensemaking session.





Lub Hom Phiaj thiab Lub Zeem Muag

MNSC muaj lub hom phiaj los tsim kom muaj ib txoj kev sib txuas lus feedback loop uas muaj zog nrog cov zej zog thoob plaws hauv lub xeev Minnesota, thiab los muab ib qho chaw khaws cov ntaub ntawv qualitative data uas hloov tau yooj yim thiab raws li ntau hom dab neeg ntawm zej zog. Qhov no yog los pab kom cov kev pab cuam, cov cai, thiab cov txheej txheem hauv xeev ua tau zoo dua thiab haum raws li qhov xav tau ntawm txhua tsev neeg.

MNSC lub zeem muag yog los muab txoj hauj lwm uas tsom rau kev mloog thiab tsa kev paub tiag tiag ntawm pej xeeb, los ntawm kev sau dab neeg thiab kev txheeb xyuas thiab txhais cpv ntsiab lus, kom los ua ib feem ruaj khov hauv txoj hauj lwm ntawm cov kev pab cuam thiab cov kev pab hauv xeev.

Pab Pawg MNSC

MNSC raug tswj hwm thiab siv los ntawm Minnesota Management and Budget pab pawg Results Management, thiab muaj ib pab pawg tswj hwm sib koom los ntawm ntau lub chaw hauj lwm hauv xeev los muab kev taw qhia. Pab pawg no muaj cov thawj coj los ntawm Minnesota Department of Education, Minnesota Management and Budget, Minnesota Department of Health, Minnesota Department of Human Services, thiab Minnesota Department of Children, Youth, and Families.

Cov koom tes hauv zej zog ua lub luag hauj lwm tseem ceeb heev hauv MNSC txoj hauj lwm. Cov koom tes tam sim no thiab yav dhau los suav nrog ntau lub koom haum yog cov tau muaj kev pab cuam rau cov neeg nyob thoob plaws hauv Minnesota. MNSC muab nyiaj pab rau cov koom tes hauv zej zog los sau cov dab neeg, coj lub luag hauj lwm tseem ceeb hauv kev txheeb xyuas thiab txhais ntsiab lus ntawm cov dab neeg uas lawv tau sau, thiab muab kev tawm tswv yim txog txoj hauj lwm no. Kev koom nrog cov koom tes uas zej zog paub zoo yuav pab muaj kev ntseeg siab thiab muaj kev sib raug zoo hauv cheeb tsam, pab txhawb kom muaj kev koom tes tob dua thiab muaj kev ntseeg siab tiag tiag. (Saib nplooj 12 kom paub ntxiv txog cov koom tes hauv zej zog thiab lawv txoj kev pab rau MNSC.)

Yam Tau Ua Tiav



Xyoo 2024, MNSC tau ua tiav ntau yam tseem ceeb, suav nrog:



1 lub platform
tshiab rau kev
sau dab neeg



Ntau tshaj 600
zaj dab neeg
uas xa tuaj



Tau muaj 16 lub
rooj sib tham
sensemaking
session



4 lub chaw hauj
lwm hauv xeev
tau nqis peev
rau MN
StoryCollective



MN StoryCollective lub
cuab yeej tau ntxiv 5 hom
lus (Askiv, Hmoob, Karen,
Somali, thiab Mev)



Daim ntawv qhia txhua
xyoo (annual report) tau
muab txhais ua ntau hom
lus



Tau muaj ib txoj
hauj lwm tshiab
MNSC Fellowship




7 tus koom tes hauv zej zog
(Good Trouble, HueMan
Partnership, Humanize MN,
Indigenous Visioning, Aviellah
Curriculum and Consulting, United
Way of Central MN, Chinese
Community Center)

MNSC Txoj Kev Ua Hauj Lwm: Kev Qhia Dav

MNSC ua hauj lwm raws li plaub txoj kev:

- 1 Kev sau dab neeg
- 2 Kev txheeb xyuas thiab txhais ntsiab lus
- 3 Kev rov xav thiab hloov kho
- 4 Kev sib txuas rov qab

Txoj kev no pab kom MNSC txoj hauj lwm phim thiab muaj feem xyuam rau ob tog—rau zej zog thiab rau cov neeg ua hauj lwm hauv xeev. Cov seem hauv qab no yuav piav qhia ntxiv txog txhua txoj kev hauv kev ua hauj lwm no.



MNSC Txoj Kev Ua Hauj Lwm: Kev Sau Dab Neeg

Lub Cuab Yeej Sau Dab Neeg

MNSC caw cov neeg los qhia yam uas tseem ceeb tshaj rau lawv txog lawv zaj dab neeg, nrog rau lawv tej xwm txheej thiab kev paub dhau los tam sim no, los ntawm ib lub cuab yeej online uas muaj nyob ntawm <https://ourtomorro.ws/MNStoryCollective>. Cov neeg uas sau lawv zaj dab neeg yuav teb ib lo lus nug dav thiab tom qab ntawd yuav teb ib co lus nug ntxiv.

Xyoo 2024, lo lus nug dav nug tias: *Xav txog seb kev nyob hauv koj lub zej zog zoo li cas.*

Hauv qhov chaw hauv qab no, thov qhia peb txog ib qho kev paub tsis ntev los no uas tseem ceeb rau koj. Koj zaj dab neeg tej zaum yuav hais txog koj tus kheej, koj tsev neeg, los sis koj lub zej zog. Koj tuaj yeem qhia txog ib qho kev paub zoo los sis ib qho kev nyuaj. Qhia peb txog yam uas tau tshwm sim.

Lub cuab yeej no kuj caw cov neeg los faib los sis “self-code” lawv zaj dab neeg los ntawm kev teb cov lus nug ntxiv.

Txoj kev “self-coding” no muaj ob hom lus nug: cov lus nug xaiv teb (multiple-choice) xws li, “Kev paub zoo li qhov koj tau qhia no tshwm sim ntau npaum li cas?” thiab cov lus nug xav tob dua xws li, “Koj vam tias lwm tus yuav kawm los sis tau dab tsi los ntawm zaj dab neeg koj tau qhia?”

Cov neeg sau zaj dab neeg kuj muaj kev xaiv los sau ntxiv yog tias cov kev xaiv uas twb npaj tseg lawm tsis phim lawv qhov kev paub. Kuj muaj cov lus nug hais txog dab tsi yuav pab txhim kho kev noj qab nyob zoo ntawm lwm tus uas nyob hauv tej xwm txheej zoo ib yam.

MNSC sau cov dab neeg raws li txoj kev no vim muaj ntau yam laj thawj. Kev siv lo lus nug dav yuav pab kom cov neeg ua hauj lwm hauv xeev kawm paub txog yam tseem ceeb tshaj plaws rau cov neeg uas sau lawv zaj dab neeg, es tsis yog txwv cov lus teb rau ib qho kev pab los sis ib txoj cai tshwj xeeb xwb. Txoj kev “self-coding” no kuj pab cov neeg ua hauj lwm hauv xeev thiab cov neeg txiav txim nkag siab txog cov lus qhia raws li tus neeg sau nws zaj dab neeg raws li nws txoj kev xav, thiab pab txo kev nkag siab yuam kev.



Txoj Kev Sau Dab Neeg

Cov neeg tuaj yeem qhia tau lawv zaj dab neeg hauv lub cuab yeej online uas muaj ntau txoj kev. Feem ntau ntawm cov dab neeg uas tau txais niaj hnub no yog los ntawm cov koom tes hauv zej zog. (saib nplooj 12 kom paub ntxiv). Lawv siv ntau hom kev los sau cov dab neeg, xws li: (1) Qee leej xa lawv zaj dab neeg lawv tus kheej tom raug caw los ntawm ib tug koom tes, (2) Qee zaum yog los ntawm kev sib tham tim ntsej tim muag los sis kev xam phaj, thiab (3) Qee zaum kuj muab sij hawm tshwj xeeb rau tib neeg qhia lawv zaj dab neeg thaum muaj kev sib sau loj hauv zej zog. Ntxiv rau ntawd, MNSC kuj muaj ib qhov link los sau dab neeg nyob hauv online uas peb tuaj yeem muaj tawm rau pej xeeb, xws li hauv ntawv xov xwm, kev tshaj tawm hauv social media, los sis thaum mus koom tej rooj sib tham hauv zej zog.

Leej Twg Tau Qhia Lawv Zaj Dab Neeg Nrog Peb?

Xyoo 2024, MNSC tau txais ntau tshaj 600 zaj dab neeg los ntawm 30 lub county thiab cov zej zog Tribal thooob plaws Minnesota, thiab los ntawm tib neeg uas muaj ntau hom kev paub thiab kev kawm.

Hauv qab no yog ib qho piv txwv ntawm ib zaj dab neeg uas tau xa tuaj rau peb.



Lub npe uas tus neeg qhia zaj dab neeg tau muab: ECFE yog ib txoj hauv kev los sib txuas ua ke

Hauv ib lub zej zog uas muaj kev faib ua pab ua pawg, tsis ntev los no kuv tau ua tsaug rau cov sij hawm uas kuv muaj peev xwm los sib txuas nrog tej neeg uas muaj kev sib txawv ntawm kuv. Ib qho chaw uas qhov no tau shwm sim yog nyob hauv Early Childhood and Family Education (ECFE). Thaum txog sij hawm cov niam txiv tau muab sib cais mus tham ua ib pab pawg me, kuv tau zaum nrog lwm cov niam thiab txiv uas khwv tau nyiaj txiag sib txawv, muaj kev ntseeg sib txawv, thiab kev nyiam nom tswv sib txawv ntawm kuv. Peb sib qhia txog kev paub ua niam ua txiv, thiab tuaj ua ke hauv ib puag ncig uas muaj kev hwm, uas peb kawm tau ntawm ib leeg. Kev koom nrog cov chaw kawm no pab kom kuv ua tau ib leej niam txiv zoo dua thiab ua ib tug tswv cuab hauv zej zog zoo dua, thiab kuv ua tsaug uas Minnesota muab qhov tseem ceeb rau kev kawm thiab kev txhawb nqa rau cov tsev neeg raws li txoj kev no.

Paub ntxiv txog tus neeg qhia zaj dab neeg no:

Nyob hauv Anoka County, tus qhia zaj dab neeg no yog ib leej niam txiv ntawm cov me nyuam uas lawv tau txais los tu thiab yug. Lawv tau sau tseg tias kev zov me nyuam yog qhov kev siv nyiaj loj tshaj plaws hauv lawv tsev neeg. Tsis ntev los no, lawv kuj tau txiav los sis txo qee yam kev siv nyiaj rau kev kho mob puas hlwb thiab kev kho mob hauv lawv cov nyiaj txiag.

Qhov teeb meem tseem ceeb hauv koj zaj dab neeg yog dab tsi?



Kev pab
nyiaj rau kev
kawm



Kev kawm los
ntawm lwm
tus



Muaj kev hwm
txawm tias yuav
muaj kev xav sib
txawv

Koj cia siab kom lwm tus kawm tau dab tsi los ntawm koj zaj dab neeg uas koj tau qhia rau peb?


Yog tias koj yog ib leej niam txiv uas muaj me nyuam yau, sim mus koom ECFE!

Cov Ntaub Ntawv Txog Tib Neeg (Demographics)


MNSC tau khaws cov dab neeg no nyob thoob plaws hauv Minnesota. Cov ntawv qhia nyob rau daim nplooj no qhia txog cov ntaub ntawv txog haiv neeg thiab keeb kwm ntawm haiv neeg, nrog rau xwm txheej kev ua niam ua txiv los sis kev tu me nyuam ntawm cov neeg uas qhia lawv zaj dab neeg uas siv lub cuab yeej sau dab neeg thib ob. Lwm yam ntaub ntawv qhia txog tib neeg ntxiv, suav nrog hom zej zog thiab hnub nyoog uas muaj nyob rau daim nplooj ntawv tom ntej.



Hom thiab Haiv Neeg




Xwm Txheej Kev Ua Niam Ua Txiv / Tu Me Nyuam (Caregiver Circumstances)




*Lub npe qub hauv daim ntawv tshawb fawb: "Muaj lwm yam ntxiv txog kuv lub luag hauj lwm ua niam ua txiv los sis tus tu me nyuam uas tseem ceeb (thov qhia ntxiv)."

**Cov neeg qhia lawv zaj dab neeg raug caw kom xaiv txhua yam uas phim rau lawv. Feem pua sawv cev rau pes tsawg feem ntawm cov neeg qhia lawv zaj dab neeg uas tau xaiv txhua qhov kev xaiv ntawd.

Kev Piav Qhia Txog Zej Zog



Pawg Hnub Nyoog



MNSC Txoj Kev Ua Hauj Lwm: Kev Sib Txheeb thiab Txhais Zaj Dab Neeg

Thaum MNSC khaws tau cov dab neeg thiab lwm yam lus teb lawm, cov zej zog kuj raug caw los koom nrog cov rooj sib tham uas MNSC hu ua “sensemaking sessions.” Feem ntau, MNSC coj cov tswv cuab hauv zej zog, cov koom tes hauv zej zog, thiab cov neeg ua hauj lwm hauv lub xeev, county, thiab nroog los sib sau ua ke los sib tham txog cov dab neeg thiab lwm yam ntaub ntawv seb nws txhais li cas rau lawv.

Muaj Dab Tsi Tshwm Sim Hauv Ib Lub Rooj Sib Tham Sensemaking Session?

Ua ntej yuav muaj cov rooj sib tham no, MNSC npaj “story packs,” uas yog los sau ua ke cov dab neeg, cov duab qhia ntaub ntawv (data visualizations), thiab cov lus nug uas siv los coj kev sib tham. Feem ntau, cov rooj sib tham no muaj ob seem: kev sib tham ua pab pawg me thiab kev qhia tawm rau pab pawg loj. Cov txheeb no feem ntau siv sij hawm li 90 nas this mus txog 3 xoj moos, thiab tsom rau kev nyeem thiab sib tham txog cov dab neeg. Feem ntau, cov rooj sib tham no xaus nrog ib qho kev sib tham tsom rau kev nqis tes uas cov neeg koom yuav los sib tham txog seb lub Xeev, cov koom haum hauv zej zog, thiab tib neeg yuav teb li cas rau cov teeb meem, kev nyuaj, thiab kev vam meej uas tau sib tham rau lub rooj sib tham ntawd.



Ib Co Piv Txwv ntawm Cov Rooj Sib Tham Sensemaking Sessions Hauv Zej Zog Uas Tau Muaj Nyob Xyoo 2024

- Muaj Rooj Sib Tham Hauv Online
- Cov rooj sib tham sensemaking sessions sib tham txog Kev Tau Txais Zaub Mov Noj (Food Access) hauv lub nroog Morton, Bemidji, thiab Saint Paul
- Cov rooj sib tham sensemaking sessions hauv cov chaw hauj lwm hauv xeev, suav nrog MN Department of Education lub rooj sib tham Extended Learning Opportunities nyob hauv lub nroog Eagan
- Cov rooj sib tham sensemaking sessions uas tsim ua ke nrog cov koom tes hauv zej zog hauv Bloomington, Saint Cloud, thiab North Minneapolis

MNSC Txoj Kev Ua Hauj Lwm: Kev Rov Xav thiab Hloov Kho

Thaum thawj ob theem ntawm txoj kev ua hauj lwm no (kev sau zaj dab neeg thiab kev sib txheeb thiab txhais ntsiab lus), MNSC tau los sau ntau hom ntaub ntawv—suav nrog cov dab neeg, cov ntaub ntawv los ntawm lwm cov lus nug, thiab cov tswv yim uas tau muab qhia hauv cov rooj sib tham—thiab muab cov ntaub ntawv ntawd faib rau cov koom tes hauv zej zog thiab cov pawg uas ua hauj lwm hauv xeev.

MNSC kuj thov kev tawm tswv yim txog cov ntsiab lus tseem ceeb ntawm txoj hauj lwm no, xws li lub cuab yeej sau dab neeg, kev paub ntawm cov koom tes thaum lawv tuaj koom, thiab lwm yam. Txhua xyoo, MNSC siv sij hawm los tshuaj xyuas thiab siv cov kev tawm tswv yim no los txhim kho thiab txuas ntxiv txhim tsa txoj hauj lwm no.

Vim Li Cas Kev Rov Xav thiab Kev Hloov Kho Thiaj Tseem Ceeb?

MNSC nquag nrhiav kev tawm tswv yim los ntawm cov neeg koom tes thiab teem sij hawm txhua xyoo rau kev rov xav thiab kev hloov kho. MNSC vam khom ntau rau cov lus tawm tswv yim los ntawm cov koom tes, cov neeg koom, thiab cov neeg ua hauj lwm ua ke los pab coj thiab txhim kho peb txoj hauj lwm.:




Kev rov xav thiab kev hloov kho yog ib feem tseem ceeb ntawm MNSC txoj hauj lwm. Xyoo 2024, muaj ntau yam kev hloov kho rau lub cuab yeej sau dab neeg, tsim cov kev tshiab rau kev koom tes thiab kev txhawb nqa cov koom tes hauv zej zog, kho kom meej dua cov txheeb txheem thiab kev ua hauv cov rooj sib tham sensemaking, thiab txhim kho txoj kev khaws ntaub ntawv, kev tshaj tawm, thiab kev rov qhia rov qab rau cov tswv cuab hauv zej zog thiab cov koom tes.



Cov Koom Tes Hauv Zej Zog

Txhua xyoo, MMB siv cov txheej txheem qhib rau pej xeem los cog lus ua hauj lwm nrog cov koom haum hauv zej zog kom pab nthuav kev paub txog MNSC, sau cov dab neeg, txhawb kev sib txheeb thiab txhais ntsiab lus, thiab muab kev tawm tswv yim txog txhua feem ntawm txoj hauj lwm no. Cov koom tes no cog lus ua hauj lwm nrog Lub Xeev Minnesota los pab coj kev sau dab neeg hauv lawv cov neeg lawv paub (network), kom ncav cuag cov zej zog uas lawv ua hauj lwm nrog ze tshaj plaws, thiab suav nrog lawv tej kev paub dhau los hauv txoj hauj lwm no.

Kev koom tes nrog cov koom tes hauv zej zog pab kom MNSC ncav cuag tau cov neeg thoob plaws hauv lub xeev los ntawm ib txoj kev sib txuas uas muaj kev ntseeg siab. Cov koom tes hauv zej zog sau lawv cov dab neeg raws li txoj kev uas phim thiab ua tau zoo tshaj rau lawv lub zej zog. Xyoo 2024, ntau tshaj 75% ntawm ntau tshaj 600 cov dab neeg uas tau xa tuaj yog los ntawm ib tus uas koom tes hauv zej zog qhov link.





Cov Koom Tes Xyoo 2024 Muaj Xws Li:

- Avillah Curriculum and Consulting
- Chinese Community Center
- Good Trouble
- HueMan Partnership
- Humanize MN
- Indigenous Visioning
- United Way of Central Minnesota

Muaj Dab Tsi Tshiab Tshwm Nyob Rau Xyoo 2024?

Ib qho kev hloov loj tshaj plaws uas tau tshwm sim los ntawm MNSC nyob rau lub sij hawm Kev Rov Xav thiab Kev Hloov Kho xyoo 2024 yog kev tsim dua tshiab lub cuab yeej sau dab neeg, suav nrog kev hloov mus siv ib lub platform tshiab uas pab tau qee yam kev hloov uas tau thov txog. Ntu no qhia qee qhov piv txwv ntawm cov kev hloov rau lub cuab yeej sau dab neeg. MNSC yuav txuas ntxiv txoj kev no rau xyoo 2025, thiab yuav qhia ntxiv txog kev hloov ntawm txoj hauj lwm raws li cov koom tes thiab cov neeg koom tau muab kev tawm tswv yim hauv daim ntawv qhia tawm yav tom ntej. Tam sim no, koj tuaj yeem sau npe txais peb tsab ntawv xov xwm kom tau txais tej xov xwm tshiab.

MNSC siv sij hawm rau Kev Rov Xav thiab Kev Hloov Kho txhua xyoo. Cov koom tes hauv zej zog muab kev tawm tswv yim uas pab coj thiab txhim kho MNSC txoj hauj lwm mus tom ntej. Raws li cov kev tawm tswv yim yav dhau los, MNSC tau ua cov kev hloov hauv qab no nyob rau xyoo 2024:

- Hloov kho loj rau lub cuab yeej sau dab neeg (saib ntu dhau los hais txog Kev Rov Xav thiab Kev Hloov Kho).
- Tsim ib txoj kev tshiab los coj qhia rau cov koom tes tshiab kom muaj kev sib tham thiab kev piv txwv tiag tiag los ntawm cov dab neeg, thiab muaj cov rooj sib tham faib kom ntau los sib ntsib.
- Tsim cov ntaub ntawv tshiab rau kev tshaj tawm, suav nrog Storyteller FAQ thiab ntau daim ntawv tshaj tawm ntxiv, thiab kho kom mee dua cov qauv email thiab cov ntsiab lus tham rau cov neeg sau lawv zaj dab neeg.
- Ntxiv kev tsim qauv ua ke (co-design) rau cov rooj sib tham sensemaking sessions rau hauv cov koom tes txoj hauj lwm, thiab txhawb cov koom tes hauv kev txiav txim siab txog lawv cov rooj sib tham.
- Koom tes thiab tsim qauv ua kev rau cov rooj sib tham sensemaking sessions.

Cov Koom Tes / Kev Koom Tes Nrog Cov Chaw Hauj Lwm Hauv Xeev

MNSC koom tes nrog cov uas koom tes hauv zej zog thoob plaws lub xeev thiab koom nrog cov pawg ua hauj lwm hauv xeev. Kev koom tes nrog cov pawg hauv xeev pab txhawb lub hom phiaj los muab cov ntaub ntawv ntawm MNSC thiab los txhawb cov hauj lwm uas tsom rau kev mloog lub suab ntawm zej zog uas txhawb pej xeev thoob plaws Minnesota. Cov koom tes hauv xeev thiab hauv cheeb tsam uas saib xyuas txog nyiaj txiag thiab txoj cai rau cov kev pab cuam thiaj yuav muaj peev xwm siv tej yam uas kawm tau no los hloov kho thiab txhim kho cov kev pab ntawd. Xyoo 2024, MNSC tau pab kom muaj kev nkag siab tob dua txog cov teeb meem uas cuam tshuam rau tib neeg lub neej hauv ntau txoj kev, qee yam raug qhia nyob rau nplooj no.

Ib Qho Piv Txwv ntawm Kev Siv MNSC Cov Ntaub Ntawv:

Thaum lub Kaum Hli Ntuj xyoo 2024, MNSC tau ua hauj lwm los muab cov dab neeg los ntawm cov niam txiv hluas (teen parents) rau pab pawg Minnesota Family Investment Program (MFIP) hauv Department of Children, Youth, and Families. Pab pawg no tau nyeem cov dab neeg no kom kawm txog cov ntaub ntawv uas twb tau muab qhia lawm hauv MNSC, thaum lawv tab tom npaj rau lawv tus kheej txog kev koom tes nrog cov niam txiv hluas hauv xyoo 2025. Ib qho ntawm MNSC lub hom phiaj yog txo kom cov tswv cuab hauv zej zog tsis tas rov hais lawv zaj dab neeg ntau zaus rau cov pawg hauv xeev. Pab pawg MFIP twb paub tias lawv xav koom tes nrog cov niam txiv hluas xyoo tom ntej no, thiab tau nyeem cov dab neeg ntawm pab pawg ntawd vim lawv ntseeg tias “kev sau thiab kawm los ntawm cov tswv yim no yuav pab txiav txim seb peb yuav npaj cov txheej xwm yav tom ntej li cas,” raws li ib tug tswv cuab hauv pab pawg MFIP tau hais. MNSC zoo siab tau muab cov dab neeg thiab cov kev xav ntawm cov niam txiv hluas rau pab pawg MFIP los pab txhawb kom lawv cov rooj sib tham yav tom ntej muaj kev nkag siab tob dua.

Ib Qho Piv Txwv ntawm Kev Koom Tes Nrog Cov Koom Haum:

MNSC tau koom tes nrog ob pab pawg hauv Department of Children, Youth, and Families (Office of Economic Opportunity and Employment Assistance thiab Economic Support Division) thoob plaws xyoo 2024 los tshawb xyuas yam uas ua rau muaj teeb meem ntawm kev tsis muaj zaub mov txaus (food insecurity) hauv cov zej zog hauv Minnesota, thiab los sau thiab txheeb xyuas cov ntaub ntawv kom pab txhawb kev daws teeb meem hauv xeev, cheeb tsam, thiab hauv zos. Hauv cov rooj sib tham sib txheeb thiab txhais ntsiab lus, uas muaj ob hom—hauv online thiab tim ntsej tim muag (Bemidji, Morton, thiab Saint Paul)—cov koom tes sab nraud, cov thawj coj Tribal, cov county, thiab cov zej zog tau sib sau ua ke los nyeem cov dab neeg thiab txheeb xyuas cov ntaub ntawv. Lawv tau txheeb xyuas qhov chaw uas tseem tsis tau muaj kev pab txaus, thiab sib tham txog kev tsim thiab hloov kho txoj cai los ntawm kev rov qhia rov qab nrog cov zej zog uas tab tom ntsib teeb meem ntawm kev tsis muaj zaub mov txaus.

Kev Cuam Tshuam

Xyoo 2024, MNSC pib pom meej dua tias cov dab neeg los ntawm zej zog tab tom pab qhia thiab hloov kho txoj cai thiab cov kev pab cuam kom muaj txiaj ntsig zoo dua. MNSC tau tsim nyob rau xyoo 2023 los koj zej zog thiab cov chaw hauj lwm hauv xeev los ua ke kom sib txheeb thiab kawm los ntawm cov ntaub ntawv qualitative thiab cov ntaub ntawv quantitative, thiab tom qab ntawd, raws li tej kev kawm ntawd, tsa cov tswv yim los txhawb kev noj qab nyob zoo hauv zej zog. Qhov no yog ib txoj kev rov qhia rov qab uas muaj nqis thiab muaj txiaj ntsig, nrog rau kev paub tiag tiag ntawm pej xeev uas yog ua lub hauv paus.

Cov tswv yim los ntawm zej zog uas tab tom pab cov kev pab cuam

MNSC tab tom muaj kev cuam tshuam rau cov kev pab cuam hauv xeev, suav nrog cov sij hawm tau txais nyiaj pab. Hauv txhua rooj sib tham sensemaking session, cov zej zog muab tswv yim txog seb yuav teb li cas rau tej yam uas lawv tau sib tham txog thiab nyeem cov dab neeg ntawm MNSC. Ib tug neeg ua hauj lwm hauv xeev tau qhia tias ib qho tswv yim los ntawm ib lub rooj sib tham hauv zej zog tau koj ncaj qha mus rau kev nthuav dav txog hom kev thov uas tsim nyog rau ib qho nyiaj pab txhawb kev noj qab nyob zoo ntawm tsev neeg;

Peb pab pawg tau tshaj tawm txog ib lub sij hawm thov nyiaj pab. Peb muab nyiaj pab \$1,000 txog \$5,000. Peb kuj tau hnov ntau txog qhov tseem ceeb ntawm kev sib txuas lus thiab kev txhawb nqa hauv zej zog, vim li ntawd, peb tau nthuav dav qhov kev tsim nyog kom suav nrog kev sib sau hauv zej zog xws li block parties.

— Community Based Prevention Consultant, Promotion and Prevention, Child Safety and Permanency.

Tom qab lub rooj sib tham Sensemaking Session, qhov kev hloov ntawd yog kom suav muaj block parties ua ib hom kev sib sau hauv zej zog uas tsim nyog tau txais nyiaj pab.

Kev rov qhia rov qab tab tom muaj zog dua rau zej zog

Cov neeg ua hauj lwm hauv xeev Minnesota tau qhia tias MNSC tau pab txhawb lawv txoj kev rov qhia rov qab nrog cov koom tes thiab cov zej zog:

MN StoryCollective yog ib lub platform zoo heev rau peb txoj hauj lwm rau kev ruaj ntseg kom muaj zaub mov. Peb tau faib cov dab neeg tiag tiag uas pab tib neeg pom qhov kev cuam tshuam ntawm peb cov kev pab cuam rau lawv lub neej. Peb tau ua hauj lwm hla ntau qhov kev pab cuam thiab tsim tswv yim ua ke txog yuav txhim kho li cas. Peb kuj tau qhia rov qab qee yam uas peb twb tau siv lawm los sis tab tom ua.

— Deputy Director, Economic Assistance and Employment Supports division, Department of Children, Youth, and Families

Muaj ntau zaj dab neeg uas tab tom sau tuaj los ntawm zej zog

83% ntawm cov neeg ua hauj lwm hauv xeev uas tau thov kom muaj cov rooj sib tham sensemaking session rau lawv pab pawg uas tab tom npaj sau, los sis twb pib sau, ntau zaj dab neeg ntxiv los ntawm zej zog, thiab tab tom siv cov dab neeg no rau hauv lawv txoj kev rov xav, kev ntsuam xyuas, thiab kev soj ntsuam txog kev cuam tshuam ntawm cov kev pab cuam.

Yam Uas Yuav Los Tom Ntej



Peb tab tom saib rau theem tom ntej ntawm txoj hauj lwm no, suav nrog:



Tso tawm ib qho cuab yeej
hloov kho tshiab ntawm
lub cuab yeej sau dab neeg



Koom tes nrog cov
koom tes hauv zej zog
tshiab



Txais tos ob tug
neeg ua hauj lwm
tshiab rau pab pawg



Qhia cov ntaub ntawv txog
cov qauv (trends) uas pom
nyob hauv cov dab neeg
uas tau qhia tuaj



Koom tes nrog cov neeg tau txais nyiaj pab
(grantees) ntawm cov kev pab cuam hauv
xeev los sau cov zaj dab neeg hauv lawv cov
zej zog, suav nrog cov neeg tau txais nyiaj
pab ntawm Community Resource Center.



Tsim ua ke (co-design) cov
rooj sib tham sensemaking
sessions nrog cov koom
tes hauv zej zog uas yuav
muaj thoob plaws
Minnesota

Ua Tsaug

Los ntawm MN

StoryCollective Pab Pawg
Tswj Hwm, peb ua tsaug rau
koj qhov kev txaus siab rau
MN StoryCollective, peb txoj
hauj lwm, thiab cov dab
neeg los ntawm cov neeg
nyob hauv Minnesota. Peb
vam tias koj tau txaus siab
nyeem qhov kev piav qhia
no txog MNSC, peb lub hom
phiaj thiab lub zeem muag,
peb txoj kev koom tes tshwj
xeeb, thiab kev saib xyuas
txog leej twg tau qhia lawv
zaj dab neeg nrog peb.

**Peb vam tias koj yuav
qhia KOJ zaj dab neeg
nyob rau xyoo 2025.**



